

子良詩存

子良詩存卷二

番禺馮詢

入都謁選順道山左省親四首

已閉柴關忽復開

帝城遙望白雲隈數椽屋作三年別

白香山句三年一官滿便歸來

笑官緣五斗來出處暫教毛義喜疎狂愁乏士元才久

閒筋力潛消盡慙愧重登買駿臺

八口飢寒免未能短衣辛苦事長征小人有母團圓夢

壯士無顏落拓行磨勵英雄成底事掃除煩惱似重生

侯門自此頻投刺莫爲窮忙笑禍衡

陵寒身世冷如漿偃蹇猶登傀儡場壯志漸消纔作宦  
俗緣多忤欲離鄉無才吏隱心仍愧有限山資願易償  
种放忍拋林谷去恐焚筆硯累高堂

田園今已棄長鑱碌碌輪蹄去去帆嶺海重經增閱歷  
泰山初上畏巉巖華章藉壯行人篋草色無忘處士衫  
一醉雲泉君記取頓教清濁判仙凡

同人餞于於  
雲泉山館

泊清遠峽

又聞塵影到江湖雨笠風衣事事粗試茗泉如禪味淡

擁書鉉其客心孤親年七十一官待驛路三千八口俱  
只有琴書無擔石可能高卧學潛夫

登觀音巖

遠山濛濛佛頭青欲露不露慈雲停慈雲變化幻不測  
一角忽現巖瓏玲瓏玲巖石巧位置垂垂各有點頭意  
瑰奇不補有漏天縹緲自懸無着地我聞歸雲古洞大  
士龕石公山左觀音寺此間巖殿將毋同要知佛法原  
無二巖前法海波茫茫倒影照徹諸天光法雨叢生講  
樹秀靈風遙散曇花香彼岸胡爲隔一水太息欲渡無

津梁淨土豈容塵足踏今我居然問禪榻叩戶先驚守  
洞猿登堂更怖聽經鴿路上羊腸九曲歛天窺卵色一  
綫微回頭塵海競奔逐三十六江如馬馳片帆我又忽  
忽發忍棄靈山真俗骨何時散髮弄扁舟爲語祖師畱  
寶筏

瀧船

頑石束亂山冗不成江路危壑奔暴流得石水暫駐勢  
復不能容水石相激怒始見上瀧船刺促雜疑慮舟人  
舉舟行裸體各徒步上則懸以繩危若朽索馭下若扛

重鼎背負而手據坐若培戶蟲行若涸轍鮒忽漏若脫  
底忽合復如故軟與石周旋活任波吞吐正襟危坐中  
恍切膠舟懼舟人知我警斂色爲我語從來艱阨區未  
可逕奔赴非無鐵索堅屈折恐無措聞言倍心惕不覺  
俯首悟惟柔能制剛老氏寓旨趣夷險各有用豈惟峽  
船具自古濟川才涉險不驚怖瀧中列好山躊躇乃四  
顧

宜章旅館元夜獨坐

江聲岳色入愁邊孤館荒寒客未眠舊事侵尋聽雨夜

新年辜負試鐙天  
纔拋嶺路思遊屐  
漸入湘流見釣船  
明發更騎驢背去  
亂山佳處好停鞭

洞庭遊

有客洞庭遊  
洞庭未遊先驚猜  
湖景變幻何奇哉  
上爲三湘七澤之所匯  
下爲九江萬派之所開  
彭蠡襟其右  
巴邱薄其隈  
九疑五老泝潏不可接  
但見君山一點隱  
隱浮青來  
大鯨冲天鼉鼓雷  
神龍掉尾空徘徊  
自非乘風破浪古奇士  
能不到此目眩而神摧  
神摧還上岳陽樓  
獨立縹緲生古愁  
湘神帝子已陳跡  
吳宮楚苑皆墟

邱周郎戈馬燕公筆

燕公樓爲唐張說建

一一化作劫灰飛向昆

明池上流升沉人物滄桑地洞庭水是英雄淚波濤盪  
胸杯在手洞庭水是騷人酒江山鎮古閣遊人洞庭是  
主人是賓過眼雲煙供攬取洞庭是賓人是主悠悠賓  
主盡等閒年年掛席看青山今春忽飲洞庭水洞庭君  
助靈風起須臾回首八百里人生快意有如此噫嘻吁  
人生快意皆須臾茫茫塵海轉眼殊韶華如水日月除  
行吟憔悴胡爲乎求仙更笑鸞巴愚何不駕陶峴之三  
舟泛范蠡之五湖先吞楚雲夢後入吳巨區黃橙綠橘



尊菜鱸一琴一書一酒壺勝遊難再君莫辜嗚呼勝遊  
難再君莫辜請看湖頭頭白鳥

漢江舟中書所見

艤舟江漢間江漢古沃土一歲稱再熟天儲屬荆楚物  
產遞盈虧斯人逐華膺天心實惡盈降災重愁苦忽湧  
千頃波更助十日雨三湘七澤區澌不知其所水鄉多  
富民得命棄倉庾老弱轉溝壑貧更不足數非無捍禦  
謀禍至急難拒噉噉鴻鴈哀洶洶蛟龍舞嗟爾民爲魚  
非關政若虎胡爲輕去鄉甘作逃荒戶

紛紛逃荒民餓飢而魂疲中有一少婦別具慘淡姿樸  
然爲致詰掩面嚔吐詞隨婦有二人一弱一旣衰弱者  
爲兒幼衰者爲姑慈夫壻事遠遊十年期不歸去歲被  
水災骨肉紛流離惟姑與兒命妾以一身持多露豈不  
畏行行千里隨爲兒遠覓父爲姑遠覓兒妾身死不惜  
恐姑與兒飢妾生姑兒生夫壻會有期又恐遠遊人在  
不在安知言罷但飲泣更問夫壻誰不肯道姓名似恐  
旁人譏嗟哉孝慈難况當災患時

旌之在

朝廷足挽末俗夷大吏恐不聞紀實爲此詩

昨日降

明詔憂勞見

聖德十萬水衡錢飢溺切禹稷又恐循吏難奉行或不  
力行之苟有效擢以高官職官職信恩遇骸骨尙滿路  
客勿語飢民民飢官長怒

從來大災後接必有樂歲况茲土膏流水利渥澤萃或  
將荒瘠區化作上腴地入春滿坑谷屢得瑞雪瑞生殺  
理則然否極泰將至安土苦重遷各灑還鄉淚戚舊半

人鬼閭里雜洞壑回首一年間滄桑風景異卻覓舊田園  
畛域已荒棄何處一塵爰轉增八口累家無負郭田  
可惜好豐年

邏名曰芙蓉虛名曰翡翠此間魚米鄉四方集市暨災  
旣被田廬患應及塵肆詎料閭閻中持籌轉得志耗後  
益居奇物本離鄉貴流離萬井荒貨殖三倍致天心已  
傾覆人事復機智胡以斯民命博彼商賈利商賈日逐  
利末重本必廢敬告守土者亟務農桑計

我亦乞食人天涯路苦辛如何飢驅客更值寒號民憐

汝以赤仄飢民若不識不受難嚼金甯受嗟來食易粟  
豈不知病急藥已遲一飽旣難尋萬錢空爾爲求飽飽  
如願此外復何恨信知施千金不如施一飯一飯且充  
腸飢飽本無常今日貧竈子昔日富家郎人苦不知足  
荒年歎枵腹得飽曾幾時紛紛厭梁肉

### 兒童歎

兒童歎歎兒童兒童何歎歎天阨兒童一何窮富貴貧  
賤異耳三年懷抱則同解一兒無母父代母襁褓兒今非  
父身何有胡爲母死別父生離恻恻哭聲若前若後解二

雖有膏粱不如糲糠雖有繡裳不如破襦糲糠兮破襦

兮何恃恃生我者在旁兒不願爲富家郎解三菜根盡甘

餓殍兒不能求食兒尙小街頭鬻兒望兒飽解四兒飽父

飢父飢兒悲兒不知悲因父悲始悲吁嗟乎兒悲父飢

父悲兒離解五悽悽惻惻銍紅紙白紙白忽赤銍紅忽黑

紙赤字字有血銍黑家家無色解六回頭語阿父阿父且

勿苦兒可鬻男兒無用生男不如生女解七男兒亦瘠女

兒亦瘠昨日論錢聞估客女一千男一百解八

黃鶴樓

送盡登臨客茫茫江漢流仙凡一枝笛今古幾間樓勝  
賞亦易得才名誰獨畱爲耽詩句好不惜白人頭

漢陽太白酒樓歌

偉哉李青蓮今古稱謫仙仙人例好酒雲煙過眼杯在  
手仙人例好樓下視華屋皆山邱縱酒登樓隨所遇美  
酒十千樓幾處風月曾傳采石磯煙波更認漢陽渡漢  
陽渡糟邱臺問公當日胡爲來曾聞夜郎被放路出此  
郎官湖頭公安宴開興酣或更酒樓上得勿遷謫櫻胸懷  
得失安能爲公縛俯仰天涯亦行樂何必力士鏑舒州

杓有酒並可無斯樓醉來尙欲搥黃鶴我公文擅千秋  
名斯文不墜樓不傾倚樓一斗百篇成迄今讀公詩尙  
覺淋漓鬱勃似有酒氣生盤空耿耿貫元精公兮前身  
爲長庚長庚勸爾一杯酒爾爲文星兮爲酒星

鄴中懷古

從來華屋盡山邱徒見西陵樹樹秋疑塚死猶千載慮  
歌臺生得幾回遊江山似剩縱橫氣風月難消慷慨憂  
一事愛才吾獨感蔡邕書籍仗公畱

朱仙鎮弔岳少保



將軍不可作雄鎮自塵忙南北一都會華夷百戰場腥  
風殘壘黑斜日故城黃父老猶揮涕艱難說靖康  
聞道觀兵日金人勢亦雄馬軍連拐子龍府勉諸公河  
朔臣能飲山陽主不聰時危思敵愾誰挽六鈞弓  
一戰兩河應安危盡屬君天爭趙氏士人識岳家軍運  
用萬全策垂成千載勲馬前畱不得震地哭聲聞  
太子偏從諫書生亦雋才奸邪千古鑑征戰幾人回鐵  
鑄終何補金牌信可哀滔滔流舊恨有客渡河來

抵濟南

將息萬里遊預辦十年話入門轉無語乍見忽驚怪七  
十兩老人妯娌喜相拜兒長跪母前定省禮久殺母乃  
樂難言但云老不憊無端卻譽兒風采實俊又新婦攜  
諸孫謁見盡敬戒阿兄見弟來灑掃東西解阿嫂見叔  
來壺餐備恐懈相見幸未老各笑問眼界倏聞兒女喧  
習禮如賓介一堂四代人頓覺庭除隘肴蔬今日筵鐙  
花昨夜卦老人詢故鄉忽復發長喟雖已慶團聚未免  
傷行邁努力爲承歡痛定乃稱快祿養有時命安貧無  
芥蒂勉讀先人書尙有賦可賣

拙園呈子臯兄

草草亭臺水石間，春風和氣正開顏。  
藤如學道肱三折，竹似存詩歲一刪。  
山好自居何用買，門閒雖設亦常關。  
聽泉忽憶前池館，無計畱清待客還。

留清池館記

子臯兄招同廖豸峯

炳奎

載酒泛大明湖

天予佳遊放晚晴，鏡中人物望分明。  
萬家鐙火東西岸，一色湖山內外城。  
亭院荒涼添古意，鶯花明媚送春聲。

無端借酒都奔赴，詩老

杜工部

文宗

曾南豐

烈士

錢尚書

情

趵突泉

陡覺三峯起雲霄勢欲侵得名太激烈入世亦浮沉混  
混雜塵語泠泠生道心何年此仙鶴飲啄到如今

舜井

昔年耕鑿處今日作城市嗟哉舜跖徒共此一杯水

歷下詠古

漢學古儒宗胡爲乎釋麟辨鼠乃仗一童童今起家以  
博士讀萬卷書行萬里要使世間知有奇男子奇男子  
舉動不平平能棄繻兮能請纓

終軍

來護兒稍知己王世充老嫗耳從來英王收英雄直將  
割肉酬戰功戰功成天下定天下定英雄病病中嘔出  
金創血畱得英光長不滅至今人買秦家鐵

秦叔寶

文叔固詞人何愧真君子窮經尙正學邪說關道士識  
可號通儒志不求顯仕堂前有竹竹漪漪竹兮人兮皆

我師晁无咎李格非

有竹堂記爲  
晁无咎筆

李格非

蔡文姬父可師蘇若蘭婦才難父亦才子夫亦才子才  
女更無易安比御疑天亦妬才美詞華愈高命愈否才  
女飄零才子死金石遺文吁已矣

李清照

三尺劍六鈞弓萬卷詩書一座絲桐獻俘歸來教聲妓  
風流儒將眞名士惜哉南渡事北征出師未捷死不平  
松楸慘綠墓草青往往天陰月黑聞哭聲

辛棄疾

不讀西漢後文不談天寶後詩平生持論亢不卑詩文  
乃與世轉移後人更摘七子疵我尋白雪樓故址不可  
追嗚呼豈惟故址不可追公方沒世澤已衰君不見西

郊賣餅姬

李攀龍

藥可置珠可棄未聞廉吏政先聞廉婦事廉吏清風世

不知請讀山家題壁詩

許邦才

詞臣風度諍臣氣侃侃立朝持大義尙書進秩恩正隆  
掉頭去國何忽忽明農軒館足高卧奮臂胡爲爭此座  
有明重閣寺士氣爲不伸臺諫遂藉口指摘到大臣吁  
嗟乎進不由太監者幾人

殷士儋

年少官人英英獨秀倚馬千言一麾出守赫赫分明書  
政績猶有彈章譏廢職詩酒無官轉得名五言一代推  
長城文字語言糟粕耳萬卷憐公殉書死君家腹笥古  
便便祖龍之火何處然

邊黃

夜深車次齊河投店未得感賦

征車將駐轉逡巡風露三更月一村遲暮頓增爲客感  
臨歧忽念老親存難爭捷徑馬牛憊恐惱比鄰鵝鴨喧  
自歎陳遵無分見未曾投轄已關門

### 鄭州

隱隱風沙裏炊煙認未明百家成小市一路踏殘城劍  
佩征人淚琵琶商婦聲倘逢燕趙客莫道是書生

### 都門卸車

棄卻勞薪更惘然又從人海結塵緣不堪閉置如新婦  
難得輕肥及少年十載鄉閭乘下澤五雲樓閣近中天



爭看相御揚揚云倘爲功名事執鞭

### 京邸遣悶

久拋京國鬢如絲欲到還憂路易歧避道怕驚新鹵簿  
榜門重認舊曹司馬周經濟千言策羊保功名一局棋  
三十六年成底事得官慙比仲郎遲

旅食無端八口兼

眷口尙寓山左

飄零何處記郵籤鄉音迢遞

驚烽火

時連州逆

家計艱難問米鹽細數交遊眞夢幻

只談風月亦愁添自從淚濕菱家被客枕秋霜倍覺嚴

傷子臯伯兄仙逝

寒夜獨坐

不似長安客塵心夜泚寒水因冰見骨人借酒忘形孤  
館一燈白天涯雙鬢青此時懷海國知有戴舟停

壬辰十一月出都留別諸同年

轉眼燕臺遍馬蹄看花憐我素心違三春雖好劉郎去  
一事無成季子歸前路艱難防鐵錯中年容易向金微  
外州官客長安道再到從來綠鬢非

南皮道中

鬱鬱辭京國長途阮籍窮功名付羸馬骨肉待豪僮斜

日關山遠前塵歲月空  
魏文遊宴地感慨古今同

途中所見記以小詩

短筇長刀半棄捐  
荒涼處處草堪眠  
耕牛羸甚田頭喘  
似歎無功老一年

聞道求言下

九重任延何以答

宸衷田家別有均荒策  
不在書生奏議中

時平將士脫征袍  
轉爲年饑戍角號  
亦是老兵防禦計  
自塗粉壁畫弓刀

哭廖姬

落拓飄零歎此身歸來爲汝更傷神願將羊志胸中淚  
灑遍天涯失意人

冰池

數月別園池園池忽已冰知我憔悴歸不忍照我形隱  
鱗與潛魚及時懷遁情嗟哉遠遊人役役勞其生  
漸凍滯不流拉雜積墮樵時復下寒雀丁丁啄聲囂豈  
不怯單寒飢驅自飄飄鵲鵲無一枝風雪勢益驕

結隊入池去跳躍嬉羣兒長者禁不得拍手心驚疑豈

知赤子心曾無履薄危抱甕亦何用丈人聊息機  
回首記遊跡歷歷涉大川徒枉旣已成輿梁亦已全澤  
腹堅不波來往頗安便卻動望鄉心阻我寄信船

寄王子梅客中遇竊失詩

折除福命詩人業五百年前老塵劫知君胸有古長城  
大敵不畏小敵怯名都國寶羅篋中氣懾神鬼驚雨風  
手攜萬里光萬丈慢藏之悔將毋同我聞詩人亦作賊  
溪山賊人爲謝客我聞賊亦愛詩人李涉詩名盜早聞  
又聞書生往往勦冀若已出沈約集中歎遺失君詩比

似白樂天應有老元偷格律君詩已奇賊更奇我轉爲  
賊生古悲雞鳴狗盜並豪傑盜名欺世胡足疵古來竊  
位尙如此甚者自刳行京師未能富貴致鐘鼎安用珍  
重藏書詩吁嗟鶉衣狗馬賣賦客挾策奔走空干時想  
當王郎酒酣拔劍曰賊亦竊聽爲獻歛不然胡爲大弓  
寶玉不肯竊獨竊文士奚囊詞豈甘名教作罪人或不  
得已而爲之君不聞孔熙先三十猶滯與憐才何至賊  
亦惜謂不作賊安可得

歲暮懷人五首

有序

五君子皆予已卯同榜生壬辰秋予方謁選都  
門五君子密邇過從論文感事無不盡之懷予  
既復客歷下風雪杜門回首長安感深離索作  
懷人詩

車聲令人聾車塵令人瞶身未入燕市心已厭湫隘休  
哉黃叔度才清骨耿介朱門十萬戶戶有賦賣勞勞  
書十上鬱鬱賦五噫抗塵老素顏吐胸消芥蒂大雅久  
不作斯文日頽壞一卷避俗文君才我心拜卽今正躬  
策穿楊眾所快豈徒拔俊才兼以挽俗派

黃香繡刻

中歲後功名半爲身家計一第遲何榮八口重足累劉  
郎美少年早捷京兆試舊德衍公胄勲業負毛遂念君  
之先人兩世古廉吏兒孫不厭貧清白好門第無徒內  
顧憂勉矣芳聲繼

劉晉卿廷錫

與君交十年未及數晨夕遇合有遲早投契在閭歷一  
從被坎壈各自挫精力將四十歲人作八千里客相逢  
意未申相視已莫逆如金沒泥沙君爲我揀擇如鏡掩  
塵垢君爲我拂拭君行如有疵我亦不諱摘一日千秋  
期片言眾慮釋轉覺初識君尚未脫形跡任教窮磨成



富貴安足弋

陳敬山興禮

讀書過一生惟有官太史俗以書求官得官書可毀世  
人讀書終太史讀書始羨君卓犖才科名亦清美逕登  
清秘堂如入瑯嬛里珥筆上

明廷著作方未已定有報

國文贊化歌喜起賤子頑鈍資卅載鑽故紙脈望卽三  
食成仙實誰耳未讀上清書靈山望尺咫

駱籲門秉章

哀樂及中年事事見真性隨意拈一花不厭百吟詠何  
點善讀書豈必談性命萬里窮閭歷羅胸富包孕長安

宴遊地九衢風物盛不入酩酊場安知酒賢聖一笑魯  
嬰癡殉書曰貧病何心如敬中

送龐子芳大令霖于役旋黔

不堪攜手入離亭  
婚宦勞勞各半生  
談到蓬萊欲仙去  
予有登蓬萊閣詩  
最爲子芳贊賞  
開齊桃李送君行  
三杯草聖留陳跡  
萬里苗民聽頌聲  
春水白魚鄉路近  
天涯南望豈無情  
聞顏鑑泉在漢得選州佐寄贈

一官終勝在家貧  
喜聽良朋捧檄新  
名業有期雖半刺  
行藏無愧始完人  
莫嘲閑吏鴉同散  
稍輯窮黎雉亦馴

回首曹司舊風月顏郎空老百年身

鑑泉尊甫心齋先生以名進士官部

曹終老

輪囷肝膽似君稀猶憶銜杯看劍時劉魯紙殘知客少  
阮修錢乏得妻遲千金聲價長門賦三月韶華曲水詩  
若問生涯吾愧甚明湖閒放釣魚絲

次韻贈陶穉雲

小時攜劍逐風塵忽忽驚看四十春書記徒爲入幕客  
英雄誰辨捉刀人瘦無俗骨貧非病醉有狂心語易真  
聞道五湖船最穩陶朱何日更垂綸

湛謫洲屬題琴石山隱圖照

與君南海同一州識君乃在東海頭  
魯連意氣陵并幽會當八州督萬里  
侯胡爲平披圖乃見一壑與一邱  
汗公琴到公石朝廷重之等珍璧  
君獨取伴林泉客知君按琴不忍彈  
曲高和者從古難知君據石不肯起  
抱璞終羞炫玉美英雄豈合居蓬蒿  
雙眸睨傲胸牢騷

晚傲牢騷

謫洲白題語

東山雖好住不得我亦單衣適齊國  
嗚呼買山

直須買泰山山頭結屋千萬間  
盡招天下抑塞磊落之奇士  
一一絕頂開心顏  
天門未嘗高天險固可攀  
金牀

玉几白石壇下視商山箕穎真寒慳青山照綠鬢丰神  
何楚楚羨君美少年早戀巖谷處美人峯頭笑相語伯  
玉入山如處女婆娑老子倦始歸應恐山靈不識汝

濮州阻水

到處風波到處愁故園何地訪莊周分明一段濠梁水  
纔入塵寰便濁流

茫茫身世等萍蓬逐浪隨波滯客蹤畢竟學莊輪學老  
爲魚雖樂不如龍

阻雨

泥塗跋涉雨滂沱辛苦烘衣手自搓我已淚痕和酒染  
青衫乾處本無多

汴梁題壁

手攜孤劍入風塵落落中原萬里身路過夷門頻問訊  
如今監者是何人

銅雀臺

黃土紅顏盡可哀舊時歌舞屬塵埃奸雄欲據何由據  
銅雀臺爲石虎臺

曉發襄城縣

雞聲斷續驢聲嘶羸馬啣秣聲帶飢銅鈴錯落人語微  
出門已見車馬馳寒光欲曙天轉低黑雲玷眼風砭肌  
道旁狐鳴篝火疑喘月或聽吟牛悲埋頭閉置垂車帷  
不知幾歷歧路歧确犖時復驚險夷短夢屢作華胥嬉  
夢裏一聲行不得危韁欲斷如裂帛僕夫捲簾客變色  
大河橫前接天白

南陽題壁

蕭蕭雙鬢壓風沙驛路重經感歲華萬里得歸仍是客  
一官奚益屢辭家隆中高卧談何易博望封侯計已差

地有博望驛

莫便斜陽歎遲暮  
樹頭猶有未棲鴉

店中阻雨再題一首

與我消磨是鐵輪  
欲趨還住轉傷神  
鶯花故國歸遊子  
雞黍高堂負老親  
無力補天拚缺陷  
有誰縮地滅風塵  
神龍行雨吾行路  
一樣艱難爲底頻

襄陽聽歌

切切嘈嘈肉竹絲  
踏歌行樂記年時  
銅鞮猶唱鬚眉白  
識是襄陽舊小兒

舟中早起



驚殘客夢送鳴榔早起推篷看曉光涼意滿船風復雨  
自攜秋色入瀟湘

將抵羊城舟中感賦

喜聞鄉路罷征鋒安穩琴尊放棹宜避客鳥疑更事久  
背人山似怨歸遲十年唾面裏師德一種傷心杜牧之  
爲語南園舊遊侶頭顱如故鬢成絲

羊城雜感

行無裘馬坐無氍毹世法拘人繭自纏三獻已成求售玉  
百金誰贈導行錢北轅南柁皆陳跡何肉周妻總俗緣

秋入候蟲心更苦西風吟徹暮寒天

依人王粲不能豪進退無權首重搔良友天涯逾骨肉  
俗人風鑑半皮毛短檠吐燄煎心鑊寒被生稜切夢刀  
只有酒痕磨不盡歡場重認舊春袍

牢落關河感慨中久拋鋤笠事刀弓

謂連州

民飢客忍加

餐飯賊去人爭說戰功燕雀處堂非得已蛟龍移穴欲

騰空

羊城大水民房傾圮甚多

草茅倘有匡時策莫爲蒼生誤此公

時大吏委紳士辦賑

乍歸旋出別離輕負郭無田敢憚行去任何關當世事

子良詩在

卷二

七

窮通都有故鄉情  
敬兒尙少車邊物  
豎子能成字內名  
贏得酒官詩印在

聖朝終不負書生

三十六江樓

三十六江水條條  
是別程登樓王粲  
淚入海魯連情富  
貴亦何物風波不可行  
南州誰見雪只向鬢邊生

連州

最爾連州郡山嵯  
雜野戍所居爲部落  
他族漫滋生瘴  
癘焚蔡國居人謂阿共  
干戈草木兵以竹木爲兵器  
不愁

皇化遠眾志自成城

百年安作息一夜忽驚呼豈有民能寇將毋將未儒倉  
皇誰畫策太息此捐軀見說蠕蠕物居成虎負嵎

將軍天上下十萬擁旌旄磴道羊腸險風霜馬骨高天  
山誇定箭隴水咽磨刀陡覺居人少誰令地不毛

猶能喻父老未合號仇民負固竟何益跳梁或有因燕

然功易勒蠢爾性難馴守土懷賢令名山祀若神

韓文公爲

陽山令去後民思之  
名其山爲賢令山

陳鶴嶼外兄

延祺

招遊西湖拉雜成詩得絕句六

首

平生勝事快初經  
蘭棹移來處處停  
商畧題詩何地好  
通仙山下謝兒亭

鐵笛銀箏碧玉簫  
三春歌管儘魂銷  
若論絲竹兼山水  
廿四橋應讓六橋

蘇小墳頭對岳墳  
江山花草總傷神  
可憐一掬湖邊土  
葬盡英雄葬美人

猶聞父老話

南巡多少衢歌巷舞人  
花鳥也教閒不得  
要裝三十六

宮春

春色滿湖何處尋  
荒亭寥落轉沉吟  
爲耽風月消磨盡

一點湖心似我心

湖心亭已極凋敝

博得襟留舊酒痕  
未應俗吏歎塵昏  
爲君重詠香山句

只任三年已是恩

鶴嶼遊宦武林以需次無期爲慮故及之

北新關

北新關吏大於虎  
咆哮生風爪牙舞  
北新關吏小於蟻

腥羶未附心先喜

朝廷宮錦重七襄  
幣帛之賦徵蘇杭  
當關司權賦有則

嗟爾關吏何披猖有客扁舟自游泳入境何知須問政  
窮行不辦導行錢度關忽下遮關令豈有居奇飽吏饕  
求疵向客窮吹毛羈留三日恣大索指揮羣役如搜牢  
本爲營私借徵賦發篋無私轉生怒呵斥空成醉尉瞋  
傳聞卻笑韓丞誤算緡亦復計錙銖籌課何曾充府庫  
嗚呼關禁懲奸商奸商度關如康莊長官賠累吏乾沒  
搜剔乃及寒儒囊儒冠誤人徒自苦不如去作河東賈

揚州題壁

綠水紅樓十里遙歌聲處處黯魂銷市頭豪傑橋頭妓

愁絕江南兩管簫

僦運謠

大船僦運旗鑼鳴小船僦運懸牌行大船僦運長官坐  
小船僦運吏胥臥旗丁凋弊哀可憐催僦衛弁羣索錢  
汝船弗駛吾汝鞭一纜橫流牽百川百夫邪許聲沸喧  
崩岸塌屋誰敢言嗟哉估客船亦入運河口如鳥入羅  
魚聚笥估客聲嘶更搖手三月煙波十里笙歌彩畫作  
舟寶帶爲河長官雖僦且勿聽運船到處人煙盛君不  
見船去長河遂寂寥半年閒煞都船令



長清題壁

歸期屢誤始言歸轉覺歸程路易迷晴日怕塵陰怕雨  
荒原聞鴈店聞雞暫無家累行行好縱有名心漸漸低  
忽憶清明今日是自憐乞食到東齊

登光岳樓

在東昌府

秦嶽在胸中忽然在眼底縹緲五十盤廻環三千里豈  
惟魯望崇直盡吳閭美我久東國遊泰山近尺咫曾未  
識天門混混雜城市多謝此高樓送我出塵滓雲水洗  
眼光煙巒敵面起盤礴岱峯尊眾山焉敢擬據勝滿高

矚憑虛曠孤倚局促二十年或信騰空起后酒酌山靈  
快哉得觀止

送李春城秀才嶧入都秋試

蹉跎隨處滯塵緣轉爲知交勸着鞭入座孔融原了了

春城十依人阮瑀故翩翩時在東世情似酒醒無味科

第如詩得偶然莫便相逢稱李叟函關重到又三年試擬

後遊

生計何能仗賣文枉將筋力作勞薪眼中蓬梗三秋客

夢裏桄榔萬里人春城儋朋友敦盤聊聚首男兒弓劍

合隨身望歸比望功名切記倚門間有老親

唁招季情喪子

偏是孤單更損傷聞君喪子倍悽惶根原偶託如桑寄  
花太堪憐易咨殤五夜雨風唐後主百年書籍蔡中郎  
傷心況是離鄉後不爲聞猿亦斷腸

慰藉親朋語百端總於愁緒不相干半生心血談何易  
萬里提攜棄更難豈有人憑愚藥餌直疑天厭小衣冠  
悼亡忽痛牀頭語尙恐蘆花一子寒

秀子璞司馬爲徐樹人刺史作泰山觀日出圖索

詩

宇宙大文章我只愛兩筆黃河從天來泰山拔地出欲  
畫黃河先泰山置身不高放眼難長河繞山如帶環湧  
出紅日呈爛爛氣盪陰陽分晦曜天門未闢天雞叫一  
鞭義馭送輪來九點齊州歸鏡照髮髯耀徹紅雲衢雲  
中仙人乘日車秦松漢柏手自植一一盡作扶桑株徐  
侯分封只百里數十里爲名山水金童玉女等部民管  
領仙山駐仙履東山司馬亦好遊煙雲潑墨腕底收胸  
貯億萬佳山水要取一幅還徐侯徐侯徐侯丈夫眼光

如日燭直遍五嶽窮四瀆未躋絕頂休停足卻笑君家  
老徐福求仙入海徒追逐方壺員嶠知有無不如高據  
泰山麓

十八羅漢圖

老者掩面眉尺餘少者豐潤肌不臞握拳露爪僵僂軀  
或半跏趺全跏趺手中八百牟尼珠納破笠重藤杖枯  
或倚或枕西方書或肩或坐蒲團蒲百花在籃香在爐  
豎者卓錫倒葫蘆或幻雙鉞如飛鳧翩翩更有羽扇俱  
指揮跳躑身輕趨噴鼻欲作風雲呼忽尋宇宙煙模糊

驅波勢欲移江湖忽然合掌垂頭顙或據怪石或向隅  
或搔背使佛骨蘇看經懶誦無南無

王秋樞屬題硯銘圖刻

硯質同堅貞出處亦有別在山軟如綿出山硬如鐵如  
綿易藏鐵易折何況出山後又復琢且磨且銘且圖且  
詠歌精華且盡奈若何硯分硯分精華雖盡爾勿惜寶  
光未露無人識君不見茶園壁蘭灘石埋沒泥塗等棄  
擲按圖今有貴人索

遊龍洞佛峪諸山雜詩

蓬蒿日閉戶不知秋已深忽有素心人招我東山岑驅  
車出郭門天氣何蕭森嚴霜嫉小草豈風刪繁林寒禽  
鬱不飛萬籟游商音撫茲節物變頓令客感侵願言訪  
仙都一滌羣煩襟

城郭圓爾跡衣冠縛爾身倏然見樵牧樸拙如古人因  
思彼視我當亦疑不倫名可使骨俗利可使氣重惟有  
山面目千古存其眞

入山恐不深未許俗奔競紆迴阻亂峯險仄秘幽徑能  
消屐幾兩不容車一乘誰云牛背穩終仗馬足勁

以路  
小舍

車乘頑石嶺，猛獸當路勢。強橫臨高轉，自危舉足發。深  
做

老龍懶不出，古洞閉雲扃。撥雲得洞口，入洞幽且清。煙  
靄積深翠，黯有雲雨情。千巖瀟斜暉，四壁撐空青。雲端  
露孤塔，一角危欲傾。仰觀若坐井，目力如不勝。安得上  
天梯，把袂欣同升。

千里長白山，來勢何蟠蟠。大小誰與鮑，起伏如波瀾。泰  
岱分餘支，截業成大觀。未造峯巒極，安知宇宙寬。噓空  
發長嘯，風雲生袂間。俯視華不注，渺然泥一丸。太息古



戰場井井成煙燭

七十有二泉滾滾入城市雖曰性狀流畢竟汚塵滓豈

知諸泉外更有功德水借此泉一掬悟彼禪一指龍洞有一

泉傳聞有高僧卓錫曾至此

拔足抵佛峪當頭見佛壁一覽目無餘頗嫌徑太直登

峻出林巔窮幽轉山腋錦障一開張瑤臺兩奇特晴光

豁眼界雲氣盪胸臆快有陵虛心恨無乘風翼

亂石瀉殘痕倒掛誤瀑布謾謾鳴松風泠泠響奔注便

作臨流想饒有聽泉趣汝不出山清聲久如故

寒霜催鬢白着樹胡獨紅有酒不肯飲羞坐霜林中秋  
色被枯槁裝點榮春容酒可借紅顏偶替成衰翁  
西山采蕨薇東山歌竹絲同是在山人境判情乃移古  
人有真意固非俗所知樂亦不必樂悲亦不必悲賢愚  
同一生悲樂同一厄狂歌千仞巔黃農是何時  
寒蟲吟不高孤客夢正熟孤客自沉吟寒蟲相斷續客  
燕歸何遲賓鴻去何速小壯挾策遊風塵徒碌碌故山  
有嘉樹春來爲誰綠偶爾結閒緣慨然念高躅何時卧  
草堂一笑山資足

龍洞僧寺同招銘山季情昆仲作

客心風碎鬢霜凝不負佳遊力尙勝秋老轉嫌林絢爛  
山深仍畏石崢嶸眼無城市聊充隱面有風塵愧見僧  
便是神龍誰認得久晴閒煞雨雲升

石頭行

有序

甲午秋客歷下招予招爲龍洞之遊予苦岑寂  
久矣聞召躍躍往既復負少年盛氣爲夜遊又  
不秉燭困于石大委頓以歸因念不材見棄遂  
令舉世無駐足處乃至山野荒漠人世不競之

地亦復如是是可慨已又念小人有母白髮蕭  
蕭萬里遠遊相依爲命身體髮膚弗自愛惜老  
人憫子情何以堪是又大可愧已駭膽漉魄發  
爲詩歌命曰石頭行

龍洞老龍石作骨牙牙洞口出復沒從來龍性不可馴  
石亦偃蹇猙獰人陵人聲确苦當戶一叢盤踞若猛虎  
鬱鬱不樂童冠偕遊卜書更卜夜我獨不肯休是時月  
黑天冥冥堂上隱隱聞經聲聽經願作堂下僧下堂回  
頭見佛鐙鐙花慘綠血花紫石花破碎利如齒崩厥角

滅其趾吁嗟乎一蹶不復起尋醫覓藥不論錢一時遊  
侶心惶然眾方惶然我忽笑笑我潦倒已十年十年久  
負行腳債膂力磋磨半摧敗就道非無躋埵心窮途易  
失垂堂戒臨深履薄高不可攀日暮途遠來日大難人  
爭要道我但踈踏豈知失足乃在山林間今日籠頭牛  
昨日空羣馬歸途仍出華山下卻恐閨人笑跛者妻孥  
嘲哂亦勿聞牀頭阿母聲酸辛嗚呼范宣傷指且大啼  
我獨何心能不興吟呻石頭石頭汝豈不聞匹夫懷寶  
易速辱我無和璧胡傷足願爲頑石與爾等碌碌奈何

同母愛我視我如珍玉

送子芬四弟赴朝城幕

偶然小試亦經綸案牘三千寄此身投筆要爲天下士  
讀書徒作幕中人力能鐸鐵終防錯口不言錢未便貧  
記得聯牀風雨夜十年滋味厭酸辛

壯遊未合歎飄蓬畢竟男兒重立功弱弟有才如海子

王人能薦卽山公况聯友愛東西陸

謂主人招銘  
山季情昆仲敢忘

家聲大小馮聞是兵車朝會地書生冠劍有雄風

送招銘山大令子庸之官朝城

壯懷欲說從何起  
萬里曾無一知己  
全家旅食寄天涯  
一片鄉心向誰是  
招侯高義陵古今  
酒酣爲我操土音  
別七千程話梓里  
交二十載聯苔岑  
東山偶作風塵吏  
南人生有幽燕氣  
短衣匹馬慷慨行  
讀書殺賊男兒事  
兵刑錢穀問不知  
手擒巨盜千里馳  
旁人不識魯邑宰  
見君錯認井州兒  
曳紱依然名士服  
喜時畫蘭怒畫竹  
風流爲政今在茲  
知君善造平安福  
武陽古道迎冠蓋  
舊是兵車衣裳會  
雄藩今日屬齊小  
國當年等曹鄴  
使君游刃固有餘  
天寒歲暮正下車  
先聲早已杜祛篋

靖盜正仗誅，維持儒官治。猛實慈厚，一片陽和人君手。

卽事先知衆母心，能爲故人憐老母。

屢蒙饋問

寄懷鄒鴻放大令

光鉞

于役臨清

西川才人東國侯，政成百里傲九州。繭絲保障足繁劇，

疎簾清簟自風流。君家家傳理縣譜，民頌哲昆如召杜。

偶拋峨眉百十峯，來管臨淄七萬戶。同時共作隨宦人，

鴻放令兄農恬大令與子阜伯兄

同時作宰青齊鴻放與予皆隨任

今日相逢舊儔侶，我

猶雌伏君雄飛。先鞭且讓祖逖揮，山東吏治需長策。莫

學魯叟談經爲雄州，屹屹雄關峙舳舻。挽運勢迤邐萬



里長懸瓠子河三春又漲桃花水側聞河伯怒澎湖不  
仁忍使殲羣生撫綏飢溺待良吏舉才僉曰惟君能琴  
書只覺處士出衽席早見斯民登我轉因君生感慨舊  
遊此地鴻泥在經綸已負草茅中書記徒誇蓮幕內瘡  
痍目擊輒隱憂斧柯有用憑誰貸一片心期勉故人功  
名及早休追悔舊時橐筆歎依劉此夕拏舟思訪戴

贈符雪樵孝廉

北綸

卽送公車北上

符生天下才風骨亦秀峙挾策偶浪遊寄跡朱門裏長  
揖見公卿目乃無餘子胡爲愛鰥生青眼屢顧諟日者

賤士廬忽枉高人履尙未通姓名莫逆喜相視袖中出

詩卷許我定臧否謂我詩學深功已入腴理相率遲十

年相去距千里

雪樵自謂詩學遲予十年

明知譽過情痛癢中輒喜

兩來我未往我懶君不訾一招君卽來我狂君轉蹙我

亦傾肝膽爲君吐根柢人生天地間百年幾知己便作

千秋想先爲兩人擬假如君高位文苑執牛耳君能拔

寒峻我必爲薦士或者骨相貧君非肉食鄙著作已等

身無力付諸梓而我雖不豐勉力尙可以君必盡委我

使我任剗削此則區區心所不肯辭矣因以我測君知

君亦如此窮達難料終投契在交始卽今正射策君老  
穿楊技養此六月息終當奮翅起嗟我雖登第仍抱不  
第恥神山望未到引廻風阻止敢云非戰罪投閒痛拊  
髀君才我相若又復等年紀借君登

蓬瀛爲我消塊壘君報泥金帖畀我一紙我轉爲君  
勗立志須自矢努力爲傳人勿但博朱紫